



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

**Lessius, Leonardus
Lovanii, 1645**

Dvb. 6. Vtru[m] consensus per verba de præsenti, cum conditione de futuro faciat matrimonium simul ac ponitur conditio: an verò requiratur novus consensus expressus de præsenti.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Si serio fit addita, ante impletam conditionem non erit coram Deo Matrimonium, quidquid tandem presumatur aut judicetur in foro externo.

Dico Quinto: Condicio honesta de futuro suspendit Matrimonium. Patet ex Cap. Super eo, de Conditionibus appositis. De praesenti non suspendit. Sed est.

D V B I V M VI.

Vtrum iste consensu per verba de presenti, cum conditione de futuro, faciat Matrimonium simul ac ponitur conditio: An vero requiratur nouus consensus expressus de presenti?

72
D. Thomas
requirit
nouum cō-
fensum.

Plerique Doctores docent requiri nouum cōfensem. Ita D. Tho. hīc. qu. 47. ar. 5. Ioannes Maior dist. 27. qu. 4. Victoria Relectione de Matrimonio. Sotus dist. 29. q. 2. art. 1. Couar. 2. parte cap. 3. nu. 5. in principio.

Canonistæ
negant.

Verum communis sententia Canonistarum est in contrarium; ut idem Couarruias testatur; quā etiam tenet Nauarr. cap. 22. num. 63. Silvester Matrimonij 3. §. 6. Paludanus dist. 29. q. 4. a. 4. Gabriel dist. 28. in fine.

73
Sententia
Auctoris.

Respondeo: Si contrahentes exprimant, vel saltem intendant, vt contractus firmus sit posita conditione sine alio cōfensi, probabile est esse matrimonium statim posita conditione. Tenent Auctores secundæ sententia. Ratio est: nam in cæteris contractibus sub conditione initis, videamus eos statim conditione posita esse validos: ergo idem censendum de contractu matrimonij: neque enim est vlla ratio, cur illi validi sint, hic non sit.

1 Obiectio,
quod sacra-
mentū non
possit pen-
dere ex cō-
ditione
futura.

Dices Primo: Hic contractus est Sacramentū: at Sacramentum non potest esse pendens; vt paret in alijs Sacramentis: non enim Baptismus incipit esse Sacramentum ex aliqua conditione futura; sed statim, dum fit, est, vel non est Sacramentum. Confirmatur: quia si contractus incipit esse Sacramentum posita conditione, incipit tunc esse Sacramentum, quando non amplius est; quod est absurdum.

Solutio,
& negatur.

Respondeo: Ratio Sacramenti debet sequi naturam rei, in qua ponitur. Quare, cūm hoc Sacramentum ponatur in contractu, debet sequi naturam contractus. Dominus enim nihil mutauit circa contractum Matrimonij, sed solum constituit vt omnis talis contractus legitimus inter fideles initus, esset Sacramentum, ut supra dictum est ex Concilio Tridentino. Vnde, si postea conditione posita contraactus Matrimonij efficitur validus (sicut videmus in alijs cōtractibus) oportet etiam tunc sit Sacramentum: alioqui dabitus contractus coniugij inter fideles, qui non sit Sacramentum. Vnde nego Sacramentum non posse esse vlo modo pendens ex cōditione futura, quādo illa conditio est veluti pars & complementū illius signi sacramentalis. Simile est in Sacramento Confessionis, quod pendens est in ratione Sacramenti, donec absolutio accedit, quæ interdum post multos dies accedere potest: quā posita confessio primū habet rationem Sacramenti, estque causa gratia. Simile quoq; esset si Deus instituisset Sacramentum Baptismi, vt conferret gratiam postridie, idque sub aliqua conditione futura; vi-

A famili.

delicit si homo tunc tatu haberet quod antē suscepereat. Tunc enim Baptismus non esset Sacramentum absolute, nisi posita illa prædicta conditiones; sed tantisper esset Sacramentum pendens & conditionatum: posita tamen illa conditione, sine alia actione fieret signum absolutum & causa absolta. Multo autem facilius id fieri potest in cōtractibus, qui sicut possunt esse causa sub conditione, ita etiam possunt esse signa sub conditione, vt manifestum est si contractus ad obligationem quam efficit, compararet. Quod si id fieri potest respectu obligationis, cur non etiam respectu gratiae? Fator tamē, id, quod omnino completū est, non posse esse pendens, sed necessariō tunc habere rationem Sacramenti, dum aliquid eius est, vel nunquam: fieri enim nequit, vt postquam nihil eius est, incipiat esse Sacramentum, vt supra dictum est. Ad confirmationem suprà positam:

Respondeo Negando Consequentiam: Contractus enim ille adhuc aliquo modo est, cūm incipit existere conditio; nam conditio est pars contractus, pertinens ad eius substantiam: conditio enim impleta, si iungatur verbis contractus,

significat praesentem cōfensem.

Dices Secundo, Capitulo Per tuas, de Conditionibus appositis, Pontifex talem contractum 2. Obiectio matrimonij sub conditione initum vocat sponsalia: ergo non est Matrimonium.

Respondeo: Vocab sponsalia ante impletam conditionem, non autem post impletam.

Dices Tertiō, Capitulo Super eo, codem titulo, Urbanus dicit, eos qui contraxerunt sub conditione, si pater consenserit, non esse cogendos ad contrahendum Matrimonium, nisi polta conditio: ergo sentit nondum esse Matrimonium. Et confirmatur. Nam ibidem dicit eundem cōfensem non esse habendum de presenti, qui licet per verba de presenti evidenter exprimatur, in alieno tamen arbitrio nondum habito ponitur.

Respondeo: Fator non esse Matrimonium ante positam conditionem, imò nec vim sponsalium habere absolute loquendo; & ideō non est quis cogendus: impleta autem conditione cogendus est, vt stet contraucti. Vide Glossam in illa duo Capitula. Ad Confirmationem: Etsi ille cōfensus non censeatur cōfensus de presenti ante positam conditionem, cā tamen posita censeatur esse de presenti, vt recte notat Glossa: existentia enim illius conditionis iuncta verbis contractus, significat presentem cōfensem in Matrimonio: sicut enim cōfensus potest significari verbis, ita etiam significari potest aliquo signo externo ad id instituto ex conventione contrahentium.

Dices Quartō: Si quis contraxisset hoc modo 4. Obiectio. cum vna: Accipio te ex hoc tempore in meam vxorem, si pater consenserit; & postea ante cōfensem patris contrahat absolute cum alia, validum erit Matrimonium. cum secunda; & accedente conditione prioris contractus, nihil fiet cum prima: ergo prior contractus non habebat vim matrimonij.

Respondeo: Hinc recte inferri non habuisse Solutio. vim Matrimonij absoluti ante conditionem impletam, imò ne sponsalium quidem de futuro; quia ex tali contractu cum priore, non esset ortu impedimentum publicæ honestatis; quod tamen vera sponsalia pariunt; vnde postea cum illius sorore posset contrahere. Aduerte tamen catenū hunc contractū habere vim sponsalium, quatenus accedente

accidente copula affectu maritali, etiam ante cōpletam conditionem, transiret in matrimonium: ut aperte colligitur ex duabus Capitulis citatis.

Petes: Si quis contrahens cum consanguinea in quarto gradu, dicat: Contraho tecum ex nunc si Papa dispensaverit: utrum postea conditione posita sit factum matrimonium, sine novo consensu?

Respondeo: Probabiliter videri esse matrimonium, modò expressè inter illos conuenierit, ut posita conditione censeantur absolute consensisse de presenti. Hanc sententiam docent plerique Lurisperiti citati à Couarruias p. 2. c. 3. num. 8. in principio. Addit autem Couarruias esse hanc sententiam necessariò consequentem ex opinione Canonistarum. Et probari potest ratione suprà facta ex alijs contractibus.

Dices Primo: Iste personæ sunt inhabiles ad contrahendum matrimonium; ac proinde earum consensus non cadit in debitam materiam.

Respondeo: Etsi illæ personæ sint inhabiles ad contrahendum absolute, non tamen sunt inhabiles ad contrahendum conditionatè: sicuti filiæ familiæ etsi sit inhabilis ad donandum absolute, non tamen est inhabilis ad donandum sub conditione, v. g. si parens consenserit: quo consensu posito donatio est valida sine noua actione. Ergo pari modo hic. Eadem est ratio in votis conditionatis, etiam si sint contra Iura: vt si Religiosus voleat longam aliquam peregrinationem contra regulam; tamè sub conditione, si Papa vel superior consenserit.

Dices Secundo: Conditio quam illi adiungunt est contra Ius: nam non est in potestate contrahentium, & censeri debet impossibilis. Ob hanc rationem, quidam putant ne quidem sponsalia nasci ex tali contractu, aduentu conditionis. Ita Silvester Verbo Matrimonii. 3. q. y. & Dominicus Soto dist. 29. q. 2. art. 1.

Respondeo: Conditio tunc non censetur impossibilis, quando Princeps solet eam concedere. Vnde cù Papa soleat dispensare in 3. & 4. gradu, censetur hæc conditio possibilis.

Adde tamen: Etsi hæc sententia videatur probabilior & verior, tamen in præceptu fequentium est id quod est securius; præsterni quando sine difficultate fieri potest. Vnde qui sub talibus conditionibus contraxissent, omnino inducendi sunt, ut posita conditione rursum contrahant.

DUBIUM VII.

Vtrum consensus metu extortus sufficiat ad Matrimonium?

Respondeo, Non sufficere; sed huiusmodi metu irritum reddere Matrimonium, si sit metus cadens in virum constantem, & ad extortendum consensum iniquè incussum. Patet Capitulo, Cum locum, & Cap. Consultationi, de Sponsalibus.

Notandum est Primo: Metum cadentem in constantem virum, esse metum graui mali, qui prudente viru merito permoveat, v. g. ad matrimonium, tanquam ad minus malum. Talis est Primo: Metus mortis vel mutilationis. Secundò: seruitutis, verberum atrocium, longi exilij, longi carceris. Tertiò: amissionis statu honorifici, iniquai nfa-

mia Iuris, amissionis omniū bonorum vel maioris partis, excommunicationis iniustæ & difficilis sublatu. Quartò: Omnis metus, qui respectu graui merito censeri queat, quod prudens arbitrabitur. Quod enim est graui metus pueri, vel adolescenti, vel seni, non est graui viro robusto & animoso. Vide Couarruias 2. parte cap. 3. §. 4. & Nauarri cap. 22. nu. 51.

Notandum Secundò: Hunc metum deberè esse incussum ad consensum eliciendū. Si enim aliunde proueniat, non irritat Matrimonium: vt si metu mortis ex tempestate concepto contrahas cum concubina, vel emitas votum Religionis, firmum est.

Notandum Tertiò: Hunc metum deberè esse incussum iniquè, saltem respectu huius finis. Nam si iuste incutiat, non irritat Matrimonium: vt si quis per excommunicationem cogatur contrahere Matrimonium, vel quia sponsalia iuravit, vel propter copulam sub promissione matrimonij obtentat. Item si lex sit, vt qui virginem vitiauit, illam ducat, potest compelli etiā sub pena mortis. Nec obstat, quod ait Couarruias 2. parte, cap. 3. §. 5. nu. 7. metum irritare Matrimonium, eti si, qui cogitur, metus causam dederit: quia fieri potest, vt quis causam dederit, & tamen iuste cogatur: quia non cogitur ab eo cuius est compellere: vt si parens inuentum adolescentem cum filia, cogat contrahere (habetur casus iste in Cap. Veniens) alioqui minitans accusationem. Quamvis enim possit eus acculare absolute, non tamen potest minari accusationem eo fine ut consensum extorqueat: vnde hæc metus est iuste incussum respectu huius finis. Et sic intellige Cap. Veniens, 2. de Sponsalibus.

DUBIUM VIII.

Vtrum Matrimonium graui metu contractum, sit irritum Iure diuino naturali, an solum Ecclesiastico?

Quidam putant matrimonium graui metu contractum, esse irritum Iure diuino naturali. Ita Scotus dist. 29. ar. 2. Couarruias 2. parte, cap. 3. §. 5. nu. 6. & insinuat Nauarus cap. 22. nu. 51. Ratio est: quia talis consensus metu extortus non est liber: matrimonium autem liberum consensu postulat. Ex quo fundamento Nauarus censet, etiam Matrimonium, quod leui metu contractum est, esse irritum coram Deo, si metus iste contractui verè causam dederit; quod tamen in foro externo non præsumitur.

Sed communior sententia est, solum Iure Ecclesiastico irritum esse huiusmodi matrimonium. Cōmenior sententia, Ita Durandus dist. 29. qu. 2. Palud. ibidem q. 1. art. 2. Maior ibidem qu. 1. Sotus ibid. q. 1. ar. 3. & alij.

Respondeo & Dico Primo: Matrimonium ex graui metu contractum non est irritum præcisè defectu libertatis. Probatur: quia contractus ex metu graui absolute est liber; nam per opus ex tali metu profectum possimus mereri & peccare: ergo non deficit libertas Iure naturæ necessaria. Confir. ex Matrimonio contracto metu mortis in tempestate, vel instanti prælio; vbi non est maior libertas, quam si metus ad id esset incussum; & quæ enim iniuste facit.

Dico

Tria re-
quisita ut
metus ca-
dens in co-
stantem vi-
rum, reddat
irritu ma-
trimoniū.